

# बलभद्र कृत शिखनख ।

केश वर्णन कवित्त ।

सरकत-सूत किधों पन्नग के पूत किधों रा-  
जत अभूत तमराज कैसे तार हैं । मखतूल गुन  
ग्राम सोभित सरस स्याम काम मृग कानन कि  
कुहू के कुमार हैं ॥ कोप की किरिनि कैधों  
नीलनलिनी के तंतु उपमा अनन्त चारु चँवर  
सिंगार हैं । कारे सटकारे भीजे सोंधे सो सरस  
बास ऐसे बलभद्र नववाला तेरे बार हैं ॥ १ ॥

पाटी वर्णन ।

दरस दरस को परस होत बलभद्र कैधों  
है सरस साला सनि सुरभान की । रसराज  
पच्छी के उभय पच्छ राजी कैधों छाहँ बैठ्यो  
छपाकर मेचक वितान की ॥ तम के पटल ल-  
पटाने हेमकूट सों के सघन कदम्बिनी कसौ-  
टी पंचवान की । पाटी तेरी तरुनी जुगल ऐसी